

太平縣志卷二

建置志

城池

公署

倉儲

坊表

街巷

都邑

先王建國辨方正位體國經野以爲民極考工記匠人營國門
涂經緯厥制綦詳太平治圍徑三里許規模具焉城池以衛民
公署以治民倉儲以濟民坊表民所具瞻街巷都邑民所居處
創之於始葺之於繼金湯鞏固胥賴長民者經營爾矣若夫園
亭林觀諸勝亦風氣之所鬱積而成也作建置志

城池

大易有設險之文周禮載掌固之職城郭溝池厥用壯矣太平城創於唐後歷加修葺各有成績若夫人心鞏固眾志成城是又不在金湯而在保障矣

縣城其始唐鄂公敬德堡也貞觀七年徙縣於此周圍三里六十五步高四丈濠深一丈五尺東門二南北西各一歷代時加修築明景泰初知縣岳嵩重修正德六年知縣龔進展築周圍三里二百四十步高三丈上濶一丈五尺濠深二丈六尺濶三丈門樓五南曰迎恩北曰拱辰東曰鎮安曰永阜西曰順化角樓

太平縣志

卷二

建置

早

四知縣盛琛終其功有修城記

詳藝文

嘉靖十四年知縣耿儒易

土堞以磚一千一百八十有奇

邑人李鉞有記

二十六年知縣牛綱創

築墩臺二十座三十二年知縣袁從道建墩亭其上隆慶二年

知縣羅潮修補垣亭鑿濠深濶各四丈餘崇正四年知縣魏公

韓以流寇入境至城下者三土牆低薄不足恃採石為基通甃

以甃自雉而下計高四十一尺上廣三十尺不等圍長一千四

百步有奇門五易南門曰太平門南北層樓二約費金錢三萬

五千官紳士民設措捐助共成之有造城請詳募疏各文及修

城記

載入藝文

八年知縣李之實修大東門改題額曰景旭肇開

國朝順治十年知縣程衡修北門及小東門易北門爲承恩門小東門爲勤政門康熙十八年秋霖雨累旬城牆多壞知縣吳軫修乾隆十六年知縣姚士澐於城東南隅建

奎樓一座四十年秋雨兼旬城東隅頽圯計長十二丈九尺知縣張鍾秀尅日鳩工砌築完固四十三年兼修西北角樓五十四年知縣徐希高重修東北角樓

考明季魏邑侯甃城時分晰基址圍長一千四百步有奇合總五千三百七十一尺四寸嗣後重丈以西北角中心量起共計五千四百三十四尺九寸較舊總長六丈三尺五寸以舊總五

太平縣志

卷二

建置

聖

千三百七十一尺四寸分之每百尺分一尺一寸八分二釐一毫九絲

北尉里四百八尺五寸新加四尺八寸

中黃里一百三十七尺六寸新加一尺六寸

西姚里一百五十九尺一寸新加一尺九寸

安侯里二百四十五尺新加二尺九寸

相李里一百二十四尺七寸新加一尺四寸

仁和里二百九十五尺新加三尺四寸

永吉里二百六十五尺七寸新加三尺二寸

萬張里二百一十九尺新加二尺六寸

西王里二百九十五尺新加三尺五寸

賈辛里二百七十五尺二寸新加三尺六寸

曲北汾里三百二十六尺八寸新加三尺九寸

柴史里二百一十九尺三寸新加二尺六寸

趙定里二百五十三尺七寸新加三尺

萬東里三百三十一尺新加三尺九寸

大柴里一百一十一尺八寸新加一尺三寸

柴尉里一百五十四尺新加一尺八寸

太平縣志

卷二

建置

聖

上魯里一百九十二尺新加二尺三寸

東沙里二百八十三尺新加三尺三寸

鄧柴里二百二十三尺六寸新加二尺六寸

古北里二百一十五尺新加二尺五寸

北連里三百三十九尺七寸新加三尺九寸

景陳荀里二百九十六尺七寸新加三尺五寸

德南廂 西門 南賈廂 南門

東臨廂 東門 北南廂 北門

南康廂 小東門

公署

午衙敬事原不侈乎廣廈細旃西坐傳吟能無藉乎上棟下
宇署以表位古制昭焉蒞斯署者勿徒視爲傳舍而時殫其
靖共之忱國計民生嘉賴之矣

縣署在城東南偏始自唐貞觀七年蓋縣治再徙時也相傳爲鄂

公帥府

康熙初大門前尚有行馬有建轟鐵具知縣吳軫修改大門始除之

歷五代及宋燬於兵

金天會八年縣尹畢景魯重建大定九年縣尹鄭景甫展修元
至元三十一年達魯花赤明理再修明洪武二年知縣鄧普顏

不花重修七年縣丞毛煜修成化年間知縣李澣修宏治年間

太平縣志

卷二

建置

三

知縣尹瑀修嘉靖三十四年地震堂宇傾頽木支席苫者十餘
載隆慶元年知縣羅潮捐俸重建

國朝初年兵火之餘大堂僅存一柱聽政者席棚以臨康熙十五年

知縣吳軫重建

邑人王奐曾有記詳藝文

大門三間東設民壯房三間西設快手房八間東西建

關帝廟三楹

蕭公祠三楹

六神祠三楹

二門三間中爲儀門左右角門二間

道光二年重修

東設皂隸房十二間

真武閣 舊為 御箴樓在露臺前雍正二年知縣劉崇元捐俸重修刻省刑省罰箴於其樓下詳藝文

戒石銘 在露臺前北向今易以木

大堂五間中設暖閣敬刊雍正八年

欽頒

上諭一道懸之堂中匾曰忠愛堂前為露臺 臺前道光二年建木牌坊一座 東西廊房

各九間東為吏戶禮稅房西為兵刑工倉房堂後東西房各三間東為東房西為承發房

二堂三間匾曰天理人情國法左右各一間東為買辦房西為招房堂後東為庫櫃房西為册房茶房

太平縣志

卷二

建置

四

宅門一間匾曰節用愛人東廚房三間東西門房各二間

三堂三間匾曰宜懷東西房各三間 後廳三間 柏堂三間 階

古柏挺奇聳翠前有兩槐相掩映均數百年物也堂久傾圮綠蔭散漫乾隆甲午知縣張鍾秀重修之煥然一新顏其額曰槐

蔭風清 皆樹軒三間 今廢 東書房一所 西書房一所 內宅磚

樓一座 俱知縣陸舜臣建 正房三間 房後道光二年建風水樓一座 東西廂房十五間

庫藏 在宅門外東偏

馬廄一所內供

馬王神祠 在署西北隅向係席棚於土地 道光五年建設西房五間

囹圄一所內外監房各三間女監房二間內供

獄神祠 在堂西北偏

鑿駕庫

架閣庫

幕廳

寅賓館

俱廢

縣丞宅

在堂東北明萬曆年間缺裁址入縣宅為箭道

主簿宅

在堂西北缺裁址入縣宅為馬廄

教諭宅

在縣治西北德化坊街

訓導宅

考學署二宅建自唐時元至元八年主簿任興嗣重修至正二十八年廢明洪武三年復建七年縣丞毛煜完其功十七年知縣沈士廉重修宏治八年知縣尹球重修明末兵變焚燬過半國朝順治十五年知縣盧易重修康熙十七年知縣吳軫教諭張琮重修三十八年知縣李清鎧教諭王之瑞牛敬修相繼增修道光二年知縣曾守一教諭張雲喬訓導閻士驥均捐廉並闢邑紳士協力增修

太平縣志

卷二

建置

巽

典史宅

在堂東

宅門

前廳

東西房

後廳

東西房

馬房

大門 書房

城守營

在縣治東街

驛丞宅

在汾東史村驛

陰陽醫學

在縣治前康熙九年知縣吳軫建

僧會司

在縣西南隅慈氏院

道會司

在縣北關東偏長春觀

察院

今改作公館

大門三間

東西房各三間

露臺一座

大堂三

後堂五間

東西房各三間

在縣治鼓樓西明洪武七年主簿白原善建宏治十二年

知縣荀鳳重修 國朝康熙五十八年知縣張學都重修乾隆四十一年知縣張鍾秀重修

布政司行署 廢

按察司行署 在縣治東街南 今改為城守營

府館 廢

學前塔 在鼓樓西 學前街

鼓樓 在縣治西大街之中康熙三十四年地震而圮四十五年知縣顧欽重修邑人王奐曾有記詳藝文

通極閣 在北關康熙十八年知縣吳軫建

演武場 在縣南三里明宏治八年知縣尹球建

零風亭 在縣治東二里龍神廟前

太平縣志

卷二

建置

巽

稅課司 在德化坊南

申明亭 在縣治東

旌善亭 廢

鄉約所 在城及各村鎮二十七所每月朔望約正宣講 聖諭

養濟院 在北關街西明洪武七年主簿白原善建

育嬰堂 在縣治西街文續龍門坊西

柘桑園 明初令各里設柘桑園以重蠶事後皆廢嘉靖中聽民易買官地膏腴里耆民王登漢易得園地捨為義塚

漏澤園 在邑厲壇東旁

義塚 在北關北閣外邑厲壇後平地三畝七分六釐五毫道光三年訓導閻士驥捐俸契買存縣案

倉儲

穀貴則傷民穀賤則傷農欲調劑之使得其平倉儲其急務也然立法既久弊易滋焉或積久而虞紅朽或借糶而啟侵漁惟經理得宜斯閭閻蒙休而荒政有備矣

預備倉

在城內西北隅明定治年間知縣尹球修廩四十間

國朝以來相踵修葺積貯米穀如額

豐字廩房十三間

盈字廩房十七間

太平縣志

卷二

建置

畧

餘字廩房十間

常平倉

舊在城隍廟西明萬曆二十六年知縣劉民望建

國朝乾隆五年知縣張若峯於縣署西偏另建廩十間改舊址爲諸

神祠

裕字廩房十間

二處共分貯額穀一萬六千石溢穀三千八百四十八石零

義社倉

明制在縣屬各村鎮三十六處每處老人二名不拘門則高下

令其經管止免本身差銀後俱廢

國朝康熙十八年令地方官整理常平倉勸諭官紳士民捐輸米穀
鎮店立義倉鄉村立社倉捐輸積貯公舉本鄉敦重善良之人
管理出陳入新春貸秋償每石取息一斗十九年令常平倉穀
留本地備賑義社倉穀留本村備賑永停協解外郡

義倉現貯穀三千七百六十二石縣屬四鄉各村莊倉長經管
社倉現貯穀四千八百九十四石縣屬四鄉各村莊倉長經管
按舊志倉儲一條雜記公署門內且未詳穀數今於建置門
特列一條將常平義社等倉版房穀數分晰開載以見積貯

之重云

坊表

介子旌山郭公著里代郡傳磨笄之節平原頌脫穎之功三晉人物於歲偉矣况明揚敷治媯汭觀型衍教澤于河汾乎

國家

勅建牌坊以宏獎勸可以興矣

攀龍坊 在學門前街口

附鳳坊 在學門右

鑒察坊 在城隍廟左

翊鎮坊 在城隍廟右

太平縣志

卷二

建置

巽

文續龍門坊 在角口街南雍正三年知縣劉崇元建

輝騰雁塔坊 在鼓樓西知縣張鍾秀重修

峯起嶧巒坊 在北門街

一門忠勇坊 在北膏腴庄義士張曹語張思讓奉勅建

孝子坊 清備鎮孝子田雲奉勅建

一鶚橫秋坊 西中黃張鯁化建

人文化成坊 在尉村南門內

李郭齊名坊 在南賈

七世同居坊 北柴南門外候補知府王協奉勅建

士頌神明坊 荀董村為
民歌父母坊 白邑侯建

樂善好施坊 北柴議叙道員
王協奉 勅建

樂善好施坊 趙康鎮議叙道員
尉維柄奉 勅建

節烈坊 三公村王敬三妻
董氏奉 旨建

節孝坊 趙康鎮 贈通奉大夫尉濤繼妻衛氏
贈通奉大夫維茂母奉 旨建

節孝坊 北柴 贈資政大夫王
勤妻趙氏奉 旨建

節孝坊 北柴 贈資政大夫王
勛妻李氏奉 旨建

百歲坊 鄧村為梁國
定祖母建

節孝坊 荀董村賈臨川妻
劉氏奉 旨建

太平縣志

卷二

建置

五

古治儀門坊 在北
古縣

孝子坊 盤道
村

進士坊 南膏腴進士
梁棲鸞建

文武奪魁坊 大張村舉人張鳳翔
同姪武舉光斗建

節孝坊 西中黃監生張岑
妻李氏奉 旨建

進士坊 常村進士
戴第業建

節孝坊 在北膏腴邑令張鍾秀為
監生張正身妻趙氏立

節孝坊 在南賈南堡監生李
總緒妻奉 旨建

街巷

晉文初霸命司空以時平易道路矧城市街衢經涂環涂尤政治所見端也詩曰周道如砥其直如矢君子所履小人所視念之哉

縣門前街

鼓樓街

南門街

北門街

東門街

西門街

學門前街

角口街

二郎廟巷

在城內北久廢後建為人祖廟以二郎廟附左

皮匠巷

東倉巷

西倉巷

南寺巷

鄭家巷

韓家巷

南關大街

斜兒街

驛馬市在此

太平縣志

卷二

建置

至

北關大街

雍正三年知縣劉崇元捐貲購石修葺街道歲久欹側坎深至不可行道光四年重修城內南北關伐石運灰縱橫以度計分段鱗次排砌一律剡土鋪石內外坦平居民鋪戶分認其費力衆故易舉也

都邑

太平彈丸邑耳以都志者何邑治南二十五里爲古晉城乃
獻公始遷之地文公霸業實基焉都於此者計君八計年八
十五至景公復遷新田其事迹俱載春秋列國諸書無庸節
述聊志封國顛末以存古人遺蹟云

周成王封叔虞於唐居古大夏實沈之墟參之分野謂之太原亦
曰晉陽在河汾之東北地方百里而都於翼唐叔子燮徙居晉
水旁是爲晉侯傳子寧族爲武侯武侯子服人爲成侯成侯子
福爲厲侯厲侯子宜白爲靖侯靖侯之十七年卽周共和之年

太平縣志

卷二

建置

三

也十八年卒子釐侯司徒立釐侯卒子獻侯籍立獻侯卒子穆
侯費王立自晉陽徙都絳生子仇及成師二十七年卒弟殤叔
自立太子仇出奔四年仇襲殤叔而立爲文侯卒子昭侯伯立
封文侯弟成師於曲沃號桓叔曲沃邑大於翼翼晉君都邑也
七年晉大臣潘父弑昭侯而迎曲沃桓叔桓叔欲入晉晉人發
兵攻之桓叔敗還晉人立昭侯子平爲孝侯八年桓叔卒子緄
代是爲曲沃莊伯十五年莊伯弑孝侯於翼晉人攻之莊伯復
入曲沃晉人立孝侯子郟爲鄂侯六年卒曲沃莊伯伐晉周平
王使虢公伐莊伯莊伯走保曲沃晉人立鄂侯子光爲哀侯莊

伯卒子稱代是謂曲沃武公武公伐晉以哀侯歸晉人乃立哀侯子小子為小子侯元年曲沃武公殺哀侯四年誘小子侯而殺之周桓王使虢仲伐曲沃武公武公入於曲沃乃立哀侯弟緡為晉侯二十八年曲沃武公伐晉侯緡滅之盡以其寶器賂周釐王王使虢公命曲沃武公以一軍為晉侯更命曰晉武公始都晉卒子詭諸立是為獻公九年用士蔦謀城聚都之命曰絳又始都絳夏士蔦城絳以深其宮

太平晉基始此

獻公

名詭諸武公子九年遷都絳在位二十六年

惠公

名夷吾獻公子在位十四年

太平縣志

卷二

建置

五

懷公

名圉惠公子在位一年

文公

名重耳獻公子在位八年

襄公

名驩文公子在位七年

靈公

名夷臯襄公子在位十四年

成公

名黑臀文公子在位七年

景公

名據成公子十五年用韓厥之謀四月丁丑遷都於新田